

周

禮

正

義

周禮正義卷十六

瑞安孫詒讓學

染人掌染絲帛凡染春暴練夏纁玄秋染夏冬獻功暴練練其素而暴之故書纁作纁鄭司農云纁讀當爲纁纁謂絳也夏大也秋乃大染玄謂纁玄者謂始可以染此色者玄纁者天地之色以爲祭服石染當及盛暑熱潤始澁研之三月而後可用考工記鍾氏則染纁術也染玄則史傳闕矣染夏者染五色謂之夏者其色以夏狄爲飾禹貢日羽畎夏狄是其總名其類有六日暈日搖日鬻日留日希日蹲其毛羽五色皆備成章染者擬以爲深淺之度是以放而取名焉疏掌染絲帛者未織者爲絲已織者爲帛凡王后及公卿大夫之衣服並染絲而織之元士

以下則服染繒玉藻云土不衣織是也內命婦女御以下外命婦士妻以下並同此官掌染絲帛則亦染帛布經不言者亦文不具也云春暴練者說文日部云桑晞也从日出収米與卒部暴字別隸變二文並作暴誤經例暴字從古文作皞而晞暴字此及皞氏並作暴亦傳寫沿誤也以下四時染事並關絲帛二者言之賈疏云以春陽時陽氣燥達故暴曬其練案賈說非也此借練爲凍謂以絲帛暴之凍之以俟染也暴布帛宜於春故月令仲夏云無暴布矣云夏纁立者賈疏云夏暑熱潤之時以朱湛丹秣易可和釋故夏染纁立而爲祭服案賈據鍾氏染纁法也染立者當以涅不唯用朱疏說亦未析云秋染夏者秋時石染草染無不宜可博染眾色也云冬獻功者染事既成人之

典婦功及典絲賈謂獻之於王失之 注云暴練練其素而暴  
之者說文糸部云練凍糾也素部云素白紋縉也水部云凍  
也雜記注云素生帛也釋名釋采帛云練爛也煮使委爛也素  
朴素也已織則供用不復加功飾也又物不加飾皆自爲素此  
色然也段玉裁云此練當作凍凍其素素者質也卽晡氏云凍  
絲凍帛也已凍之帛曰練晡氏如法凍之暴之而後絲帛之質  
精而後染人可加染案段說是也此練卽凍之借字凡瀾治絲  
帛通謂之凍已凍之絲帛亦通謂之練說文訓練爲凍縉已凍  
之帛也淮南子說林謂云墨子見練絲而泣之爲其可以黃可  
以墨高注云練白也此已凍之絲也注練其素統凍治素絲素  
帛二者而言故下云玄縉以爲祭服賈疏謂素卽縉先練乃暴

之若然服則先染絲乃織之不得爲練非也暴練絲帛法並詳  
曉氏職云故書纁作黹鄭司農云黹讀當爲纁者段玉裁云此  
以黹不見於他經傳而易其字也宛聲熏聲略相似說文黑部  
有黹字云黑有文也從黑兔聲讀若箇登之登按黹卽黹字故  
書假借爲纁字也王引之云黹說文作黹玉篇黹或作黹廣韻  
黹黃黑色也黹與黹同又通作苑淮南時則篇天子衣苑黃高  
誘注曰苑讀登箇之登則古人衣色亦有用黹黃者急就曰黹  
金半見細白黹顏師古注曰黹金染黃也黹與黹聲義正同夏  
竄立者爾風七月所謂載立載黃也似不必改爲纁字案王說  
亦通許君自敘述所稱禮周官皆古文而說文有黹無黹疑許  
所見故書又作黹矣春秋繁露五行順逆篇云心腹宛黃宛亦

縹之借字云縹謂絳也者說文糸部云縹淺絳也絳大赤也廣雅釋器云縹謂之絳賈疏云絳卽爾雅及鍾氏所云三入爲縹者是也詒讓案依說文義縹雖絳之類而色淺於絳故士冠禮縹裳注亦云淺絳裳此不言淺者散文縹得通稱絳也亦詳鍾氏疏云夏大也者爾雅釋詁文鍾師注亦同云秋乃大染者大染謂通染眾色此先鄭肌說故後鄭不從云立謂縹立者謂始可以染此色者者謂夏時染事始起惟可染此二者不可染餘色也云立縹者天地之色以爲祭服者周髀算經云天青黑地黃赤青黑卽立色黃赤卽縹色也賈疏云案易九事章云黃帝堯舜垂衣裳蓋取諸乾坤乾坤卽天地之色但天立地黃而立縹者土無正位託位南方火火色赤與黃共爲縹也凡六冕之

服皆玄上纁下故云以爲祭服卽祭義云玄黃之者也王制孔疏引鄭易繫辭注云上託位南方南方色赤黃而兼赤故爲纁也案賈卽本鄭易注義云石染當及盛暑熱潤始湛研之三月而後可用者後舊本作后今據注疏本正凡染用草木者謂之草染祭服所不用祭服纁玄染必以石謂之石染纁者黃赤其染以朱說文丹部云丹巴越之赤石也丹卽鍾氏所謂朱也玄者鄭謂赤黑周禮云青黑其染以涅淮南子倣眞訓云今以涅染緇則黑於涅高注云涅礬石也是也石質堅朋故必湛研之而後可用知湛研必三月者亦約鍾氏文依鄭說蓋孟夏取丹涅之石湛研之至季夏始可染纁玄也詩豳風七月云八月載績載玄載黃我朱孔陽爲公子裳毛傳云朱深纁也大戴禮記

夏小正云八月玄校彼二經又以染玄纁爲在八月者染纁玄  
雖始於夏至秋亦尙可染此經云秋染夏夏爲五色則亦兼有  
纁玄幽詩夏正與此文雖異義不乖也又月令云季夏命婦官  
染采黼黻文章必以法故無或差貸黑黃倉赤莫不質良毋敢  
詐僞以給郊廟祭祀之服以爲旗章以別貴賤等級之度鄭注  
云婦官染人也采五色據彼文季夏卽染五色此夏唯染纁玄  
至秋乃染夏者月令孔疏謂彼是秦法竊謂染練有時不應周  
秦法異疑月令或因夏染纁玄而類及諸色且染夏雖在秋而  
命婦官則不妨先時敕戒月令之文與此經似亦無悖齊民要  
術引崔寔四民月令云六月命女工織練練可燒灰染青紺雜  
色八月涼風戒寒趣練練帛染綵色明染事盛於夏秋之交亦



與經義合也云考工記鍾氏則染纁術也者明染絲帛與染羽  
術同鍾氏云染羽以朱湛丹秫三月而熯之澹而漬之三入爲  
纁是也云染玄則史傳闕矣者鍾氏又云五入爲緞七入爲緇  
注云凡玄色者在緇緇之間其六入者與是染玄亦以朱爲質  
而入黑汁但其術經記無文故云闕也云染夏者染五色謂之  
夏者其色以夏狄爲飾者此據禹貢夏狄之文破先鄭夏大之  
謂染五色或用草木不必用石染故以秋也引禹貢日羽獸夏  
狄者獸釋文作獸阮元傳校宋本同案獸獸之俗說文亼部亼  
古文作獸篆文作獸匠人經亦從俗作獸則此注不必改獸今  
從嘉靖本宋婺州唐氏本同今書作羽獸夏翟漢書地理志述  
禹貢翟亦作狄敘官注引書作翟翟正字狄段借字以內司服

注破狄爲翟推校之則此注作狄恐非鄭注舊文賈疏云睽谷也羽山之谷有夏之五色之翟雉貢焉案賈本似亦作夏翟所釋義與詩小雅節南山孔疏引禹貢鄭注同卽約彼注義也云是其總名者書僞孔傳亦云夏翟翟雉名內司服注義同鄭意翟爲雉之總名夏翟又爲雉備五色者之總名也云其類有六曰翬曰搖曰鷩曰翟曰希曰蹲者搖爾雅釋鳥作鷩翬搖詳內司服疏釋鳥又云南方曰鷩東方曰鷩北方曰鷩西方曰鷩並此注所本彼文翟希蹲作鷩鷩鷩說文雉部雉字注勢十四種雉當蹲與此注同鷩作鷩希作稀又與此小異未知孰是云其毛羽五色皆備成章者釋鳥說五采皆備成章者惟翬鷩二雉四方之雉不言何色鄭意四方雉文承翬鷩之下其毛羽皆亦

備五色也。云染者擬以爲深淺之度，是以放而取名焉者。御覽服章部引董巴漢輿服志云：上古衣毛而冒皮，後世聖人易之以絲麻，觀翬翟之文，榮華之色，乃染帛以效之。始作五采，成以爲服，亦染五色，放翬翟取名之義。掌凡染事。疏：掌凡染事者，蔣載康云：當統布屬草，草羽毛等染羽，見鍾氏。

追師掌王后之首服，爲副編次。追衡，笄爲九嬪及外內命婦之首服，以待祭祀賓客。鄭司農云：追，冠名。士冠禮記曰：委貌，用道也。章甫，殷道也。牟追，夏后氏之道也。追師掌冠冕之官，故并主王后之首服。副者，婦人之首服。祭統曰：君卷冕立于阼，夫人副禕立于東房。衡，維持冠者。春秋傳曰：衡統紘，緹立謂副之言。覆所以覆首爲之飾，其遺象若今步絲矣。服之以從王祭祀，編編。

列髮爲之其道象若今假紒矣服之以柔也次次第髮長短爲之所謂髮鬢服之以見王王后之燕居亦纒笄總而已追猶治也詩云追琢其章王后之衡笄皆以玉爲之唯祭服有衡垂于副之兩旁當耳其下以紕懸瑱詩云玼兮玼兮其之翟也鬢髮如雲不厝髮也玉之瑱也是之謂也笄卷髮者外內命婦衣鞠衣續衣者服編衣祿衣者服次外內命婦非王祭祀賓客佐后之禮自於其家則亦降焉少牢饋食禮曰主婦髮場衣移袂特牲饋食禮曰主婦纒笄宵衣是也昏禮女次純衣纒笄服耳主人爵弁以迎移袂袂衣之袂凡諸侯夫人於其國衣服與王后同疏掌王后之首服爲副編次追衡笄者賈疏云對夏官弁師掌男子之首服首服則副編次也追治玉石之名謂治玉爲衡

笄也。論議案此婦人首服六亦與男子服相配。依鄭義三翟首服副鞞衣展衣首服編則當男子冕服也。祿衣首服次則當男子弁服也。祿衣或不服次而服纓笄則當男子冠服也。以禮經校之唯明堂位祭統以副禕配衮冕士昏禮以次純衣卽祿衣配爵弁二文與鄭義正同而餘服則未甚符合。今依金榜孔廣森凌廷堪諸說更爲推定。次祿衣之下當有二服一爲被錫衣當男子玄冠朝服一爲纓弁宵衣當男子玄端服。此經無被者以非王后賓祭所用故文不具。鄭賈以被卽次宵衣卽祿衣皆非也。並詳後云爲九嬪及外內命婦之首服者。賈疏云此云及則與上內司服同亦是言及殊貴賤九嬪下不言世婦文略則外命婦中有三公夫人卿大夫等之妻內命婦中唯有女御也。

云以待祭祀賓客者后則從王九嬪外內命婦等則從后也  
注鄭司農云追冠名者釋官名之義兼明追衡弁之追亦爲首  
服也引士冠禮記曰委貌周道也章甫殷道也牟追夏后氏之  
道也者證追卽牟追冠也牟釋文作毋與儀禮同鄭彼注云委  
猶安也言所以安正容貌章明也殷質言以表明丈夫也毋發  
聲也追猶堆也夏后氏質以其形名之三冠皆所服以行道也  
其制之異同未聞續漢書輿服志云委貌冠皮弁冠同制長七  
寸高四寸制如覆杯前高廣後卑銳所謂夏之毋追殷之章甫  
也聶氏三禮圖引舊圖云毋追制與周委貌同殷冠委大臨前  
夏冠委前小損案牟追形制蓋與委貌略同委貌卽玄冠詳司  
服疏云追師掌冠冕之官故并主王后之首服者賈疏云此鄭

周禮正義

禮十六

七 禮記卷之四十五

意以追師掌作冠冕弁師掌其成法若縫人掌縫衣別有司服內司服之官相似故有兩官共掌男子首服也後鄭不從者此追師若兼掌男子首服亦當如下屨人職云掌王及后之服屨兼王爲文今不云王明非兩官共掌此直掌后已下首服也云副者婦人之首服又引祭統曰君卷冕立于阼夫人副禕立于東房者彼上公夫人服禕衣而副與后同故先鄭引以爲證林願山云先鄭單證副不及編與次者其意以副編縣文爲句次自爲句宗詩毛傳舊讀卽用其義不與後鄭析副編次爲三同案詩屬君子偕老副笄六珈傳副者后夫人之首飾編髮爲之笄衡笄先鄭宗毛傳義王后首服分爲四不分爲五副編一次一追一衡笄一此云副婦人首服亦宗毛傳編髮爲之合副編

爲一物案林說是也云衡維持冠者者左傳桓二年杜注同案詩副笄毛傳國語楚語章注並云衡笄是以笄與衡爲一物林頤山云先鄭以副編與次爲王后所獨追與衡笄爲王及王后所同故其自申己說曰追師掌冠冕之官故并主王后之首服其說衡引左氏傳亦單證衡而不及笄亦宗毛傳二字聯文爲句如說副單證副而不及編之例不如後鄭分衡與笄爲二也先鄭既合衡笄爲一故得與王之冕并冠笄相例案續漢志漢世簪制左右各一橫簪之考工記玉人注衡古文橫儀禮士冠注笄今之簪衡笄卽續漢志所云橫簪案林謂先鄭依毛詁合衡笄爲一卽漢志橫簪是也史游急就篇云冠幘簪黃結髮經皇象碑本黃作黃彼簪黃亦卽指衡笄橫簪黃黃字並通



顏師古注云簀卽步搖非也但詩副笄爲婦人持副之笄此注云衡維持冠者則當是偏舉男子持冠之笄爲釋卽弁師之玉笄也若女子則唯有纒笄副笄無持冠之笄漢制雖有持簪之笄然固究與冠不同後鄭不從毛別以衡爲笄芻垂玉禮無明文自不若先鄭之義據明塙故何楷秦蕙田及江永張惠言宋綿初林喬蔭莊有可並從毛及先鄭以衡卽爲笄陳奐謂婦人有副笄有纒笄維持纒者謂之纒笄維持副者謂之副笄副笄用衡笄纒笄不用衡笄金鷄亦謂笄有二云安髮之笄士喪禮謂之鬢笄鬢之爲言會也髮所聚會也固冠之笄謂之衡笄衡之爲言橫也橫之於首也連言曰衡笄單言曰衡一也案陳金說足申毛及先鄭義士昏特性禮婦人服有纒笄宵衣纒笄卽

持髮之笄蓋婦人之常服至卑者卽以纒笄爲首服喪服小記所謂男子冠而婦人笄也自此以上更加他首服則亦別著笄故服副者有副笄以此推之則服編次者亦當有編笄次笄是爲衡笄女子副纒次而著笄猶男子冕弁而著笄故女子雖不冠而不害其有衡笄也國語楚語司馬子期欲以其妾爲內子訪之左史倚相曰吾有妾而愿欲笄之其可乎韋注云笄內子首服衡笄也是衡笄唯內子乃得著妾則否也列國之卿服立冕內子當服編展衣則楚語之衡笄當卽編笄明不第副有笄也若纒笄則女子十五以上之常服通於貴賤不必內子矣竊謂王后首服亦當有纒笄衡笄此經衡笄自是二笄衡卽副編次之笄笄則纒笄也副編次笄尊故特稱爲衡纒笄卑故不別

制名耳引春秋傳曰衡紘紘經者桓二年左傳臧哀伯語賈疏云彼云衡紘紘經則據男子之衡引證此者司農意男子婦人皆有衡後鄭意亦爾但後鄭於此經無男子耳案賈說是也男子之衡蓋卽弁飾之玉笄散文得通也紘詳後紘經詳弁飾疏云立謂副之言覆所以覆首爲之飾者玉藻孔疏引鄭志說同釋名釋首飾云王后首飾曰副副覆也以覆首亦言副貳也兼用單物成其飾也劉前說與鄭同云其遺象若今步繇矣者玉藻疏引鄭志亦同釋文云繇本或作搖案繇搖字通詩君子偕老箋說六珈云副旣笄而加飾如今步搖上飾古之制所有未聞彼疏引此注亦作搖明堂位注亦云副首飾也今之步搖是也案依後鄭說副列單物爲飾與編次唯以髮爲之者異蓋首

飾之最華者釋名釋首飾云步搖上有垂珠步則搖動也續漢  
輿服志云皇后謁廟假結步搖以黃金爲山題貫白珠爲柱枝  
相繆入爵九華熊虎赤翟天鹿辟邪南山豐大特六獸詩所謂  
副笄六珈者此並漢時步搖之飾藝文類聚人部引宋玉風賦  
有步搖垂珠之語疑亦漢人依託爲之周制質樸未必盡如漢  
法但副爲首飾加於紒上則與步搖約略相似故鄭舉以況義  
耳又後漢書東平憲王蒼傳李注太平御覽服用部並引鄭注  
云副婦人首服三輔謂之假紒案鄭所謂假紒遺象者乃編字  
詁釋與副不同且不引三輔方言其非後鄭說無疑先鄭解詁  
隋唐志已不著錄亦非李賢等所得見此或賈馬千諸家佚說  
誤屬之鄭與毛詩傳以副爲編髮爲之義亦略同惠士奇云漢

之假髻亦名爲副故廣雅釋器云假結謂之鬻副以髮爲之故從髟然則副與編一物也飾之盛者爲副其次爲編與秦漢皇后謁廟首服假紒上有步搖乃后之盛飾故康成以副當之其實步搖非副而在副上則副爲假紒又何疑王念孫亦云副之異於編次者副有衡筭六珈以爲之飾而編次則無之其實副與編次皆取他人之髮合己髮以爲結則皆是假結也案廣雅文足證李引舊說惠王兩說亦足以釋毛鄭之紛但說文無髻字玉篇髟部云髻本又作副則當是副之俗體非古字也云服之以從王祭祀者謂副配三翟內司服注以三翟皆爲祭服是也玉藻疏引鄭志亦云三狄首服副賈疏云祭祀之中含先王先公羣小祀故以祭祀總言之也鄭必知三翟之首服副者王

之祭服有六首服皆冕則后之祭服有三首服皆副可知案賈  
謂鄭以三翟當王六冕以其皆祭服也但以內司服及喪大記  
注所定男女服次數之三翟所配者實止毳冕以上四服其絺  
冕玄冕於婦人服當別配鞠衣展衣三翟不得通配六冕也若  
然王祭羣小祀服玄冕則后從王當服編展衣方與等差相合  
內司服注謂后從祭羣小祀服闕狄似未協詳彼疏秦蕙田云  
副配三翟其制亦宜有三等之別如用玉加於副以爲飾謂之  
珈侯伯夫人揄狄之副用六珈則王后禕衣之副其珈必不止  
六而闕狄之副其珈又當降殺如王五冕之旒有等級之辨也  
案秦說近是但君子偕老傳謂珈爲笄飾之最盛者則珈兼於  
飾笄不專主於飾副疑編次之笄亦有之也珈數降殺金鷄謂

衛侯爵七命夫人以偶數故六由此推之子男夫人當有四上  
公夫人當有八王后當有十但於經無文未知是否云編編列  
髮爲之者玉藻疏引鄭志同釋名亦云編編髮爲之說文糸部  
云編次簡也引申爲編髮之稱一切經音義引字林云以繩次  
物曰編此編蓋亦以細繩聯次髮爲之二云其遺象若今假紒矣  
者玉藻疏引鄭志亦同惠士奇云假紒者假髮爲髻後漢書東  
平憲王蒼傳肅宗賜東平琅邪兩王書送光烈皇后假紒帛巾  
各一則知假紒皇后服之與副同矣林頤山云續漢輿服志皇  
后謁廟假結髻紒結通用字宋禮志漢制皇后謁廟首飾假髻  
宋五行志晉海西太和以來大家婦女緩髻傾髻爲盛飾用髻  
既多乃先作假髻後漢馬廖傳長安語曰城中好高髻四方高

一尺亦指假髻而言因其真髻上又覆以假髻髻高近於一尺然則編列髮爲假紒其形制大而且高也云服之以桑也者謂編配鞠衣桑謂竄桑之事兼內宰仲春親蠶月令季春告桑言之詩君子偕老及雞鳴孔疏引以桑並作以告桑疑據內司服注增賈疏云上注鞠衣以告桑此下注及鄭荅志皆云展首服編此直據鞠衣服之以桑不云展衣者文略其編亦兼於展衣也鄭必知鞠衣展衣服編者三翟首服副昏禮女次純衣純衣則祿衣祿而云次則祿衣首服次可知其中唯有編明配鞠衣展衣也云次次第髮長短爲之者玉藻疏引鄭志同士昏禮女次純衣注云次首飾也今時髮也釋名云次次第髮也字又作髮說文髟部云髮用梳比也玉篇髟部云首飾爲髮蓋次第髮



長短必用梳比故首飾以爲名矣君子偕老疏云編列他髮爲之假作紒形加於首上次者亦鬻他髮與己髮相合爲紒是編次所以異也云所謂髮髻者玉藻疏引鄭志同釋文云髻本又作髻少牢饋食禮主婦被錫衣移袂注云被錫讀爲髮髻古者或別賤者刑者之髮以被婦人之紒爲飾因名髮髻焉此周禮所謂次也詩召南采芣被之儵儵傳云被首飾也箋亦引禮主婦髮髻以證之此注與詩箋所謂髮髻卽據少牢禮改字爲說說文髻部云鬻髮也重文髻髻或从也聲髮髻也又鬻髮也張參五經文字引鄭詩箋作鬻段玉裁謂少牢追師注髮髻字亦並當作鬻鄭云鬻髮以髮婦人之結作髻者誤其說是也戴震云鄭注禮合次與髮髻爲一其箋詩又合被與髮髻爲一被

之爲次恐未然也三翟之首服副鞠衣展衣之首服編絺衣之首服次君子偕老之次章上言其之翟也下言鬢髮如雲不屑鬢也箋曰鬢髮也不用髮爲善髮被古字通用然則詩之被乃所謂鬢不在副編次之數金榜云少牢主人朝服主婦被錫衣案男子服爵弁者婦人首服次少牢主人服朝服而主婦或首服次蓋非其差矣經傳或言髮或言鬢一物二名未有連屬爲文稱髮鬢者鄭改經被錫爲髮鬢非古也被卽詩所謂被錫今文作緡說文云細布子虛賦被阿緡是也案戴金並謂被別爲首服在副編次之下纓之上規鄭少牢注破字及以被與次爲一之誤義致精靖張惠言說同然則鄭釋次義與許劉同自是古制而所謂髮鬢者則止可以釋詩之被不可以釋此及禮經

之次矣云服之以見王者謂次配祿衣內司服注云祿衣御於王之服亦以燕居並謂襲燕服御見時也賈疏云士昏禮女次純衣純衣卽祿衣則祿衣首服次可知上注展衣云以禮見王則展衣首服編以禮見王此又云次以見王者則見王有二一者以禮朝見於王與見賓客同則服展衣與編也一者祿衣首服次接御見王則祿衣與次則此注見王是也故二者皆云見王耳案內司服注謂后以禮見王服展衣故燕見降一等當服祿衣然王燕服玄端以次增之則后燕見王當纓笄宵衣與燕居同若服次祿衣則正與王皮弁朝服相當非燕見之服也內司服注謂后朝服展衣故後賈疏謂后朝王首服編並非其差互詳內司服疏云王后之燕居亦纓笄總而已者謂亦祿衣而

不服次故玉藻疏引鄭志云若燕居之時則亦祿衣纁笄總而  
已賈疏云案士冠禮纁長六尺以緝髮笄者所以安髮總者既  
繫其本又總其末燕居謂不至王所自在燕寢而居時也案鷄  
鳴詩云東方明矣朝既昌矣毛云東方明則夫人纁笄而朝但  
諸侯夫人於國衣服與王后同而得服纁笄而朝者此經云副  
編次以待祭祝賓客明燕居不得著次自然著纁笄而毛云著  
纁笄朝者毛更有所見非鄭義若然彼鄭不破之者以其纁笄  
燕居無正文故且從毛也其實朝王時首服編也案鄭賈說非  
也后御見與燕居之服蓋同纁笄宵衣鄭以宵衣與祿衣爲一  
故有茲誤又纁笄有與被同服者則當服錫衣與宵衣唯服纁  
笄異毛詩鷄鳴傳謂夫人笄纁朝此指諸侯夫人朝服蓋卽被

錫衣與請侯朝服冠弁正相當服被者亦纓笄纓笄則不必盡著被也其夫人燕見燕居之服疑亦當纓笄宵衣不降於王后者禮處則同也又案內則云婦事舅姑如事父母鷄初鳴咸盥漱纓笄總衣紳纓與纓同則纓笄總蓋婦人之常服但禮經言婦人纓笄者士昏禮特牲饋食禮並服宵衣其等差蓋在袿衣之下若如注說謂王后燕居服袿衣則不得去次而徒纓笄鄭說不可通也又白虎通義嫁娶篇云婦事夫鷄初鳴咸盥漱纓笄總而朝公羊莊二十四年何注詩鷄鳴孔疏引列女傳魯師氏母語文略同蓋妻事夫之常禮通上下言之故止著纓笄之文而不詳其服之異也云追猶治也者序官注云追治玉石之名衡笄皆玉爲之故別言追不言爲也林頤山云後鄭改

先鄭舊義以追連下衡并讀說追爲治玉猶言追玉衡玉并卽追師所以名官而分衡與并爲二物引詩云追琢其璋者大雅棫樸文毛詩璋作章阮元云此當據魯韓詩玉篇疋部引詩亦作璋詒讓案毛傳云追彫也金曰彫玉曰琢鄭箋云周禮追師掌追衡并則追亦治玉也是彼詩追訓與此經同故引以爲證云王后之衡并皆以玉爲之者賈疏云以弁師王之并以玉故知后與王同用玉也弁師云諸公用玉爲瑱詩云玉之瑱也據諸侯夫人夫人與君同用玉瑱明衡并亦用玉矣其三夫人與三公夫人同服翟衣明衡并亦同玉矣其九嬪命婦等當用象也案諸侯夫人玉并瑱璠玉爲之乃石之似玉者與王后玉并瑱蓋小異詳弁師疏聶氏三禮圖引梁正阮氏圖云并士以骨

大夫以象賈謂九嬪命婦等用象並依大夫制也鄘風君子偕老說衛夫人象服穀梁信九年楊疏謂卽象笄則誤云唯祭服有衡者詩君子偕老疏引衡下有笄字案衡笄不得垂於副旁此與注下文不合大雅棫樸疏引亦無笄字則鄘風疏蓋傳寫誤衍賈疏云見桓二年臧哀伯云衮冕黻珽帶裳幅舄衡紱紃纁並據男子之冕祭服而言明婦人之衡亦施於三翟矣鞠衣以下雖無衡亦應有紃以懸瑱是以著詩云充耳以素以青以黃是臣之紃以懸瑱則知婦人亦有紃以懸瑱也云垂于副之兩旁當耳其下以紃懸瑱者于亦當作於釋文以下無紃字賈疏云傳云衡紃紃纁與衡連明言紃爲衡設矣笄旣橫施則衡垂可知若然衡謂爲橫旣垂之而又當爲橫者其笄言橫據在

頭上橫貫爲橫此衡在副旁當耳據人身豎爲從此衡則爲橫其衡下乃以統縣瑱也案賈所據本有統字國語魯語章注云統所以縣瑱當耳者說文糸部云統冕冠塞耳者詩齊風著箋說統纒之人君五色臣三色孔疏引王肅說則謂天子立統唯一色金鸞亦據國語魯語王后纒立統謂王與后皆當用立統其說近是凡瑱皆有統而祭服別有垂縣之衡則詩禮諸經並無見文鄭說不知何據賈亦無所申證今以此注所說形制反復攷之疑後鄭卽緣男子之冕纒推之以說后之首飾大戴禮記子張問入官篇云韎統塞耳所以弁聽也晏子春秋外篇云纒絃琫耳惡多所聞也統卽纒之或體文選東京賦薛綜注云韎纒言以黃綸大如丸懸冠兩邊當耳纒漢輿服志注引呂忱



字林論語皇疏左傳孔疏漢書東方朔傳顏注並用其義而求之詩禮絕無徵證如清漢書注又謂以玉爲瑱用黹纁懸之大戴禮盧注所說略同則謂纁與統異名同物然統爲織成條繩不用絲纁爲之其說亦難通竊疑古書說冕飾之纁正字當作衡其物則以玉爲之太平御覽皇王部引蘇子云天子坐九重之內旒以翳明衡以隱聽旒衡卽旒纁也蘇子雖晉蘇廬所撰然以纁爲衡必有所本蓋纁衡聲近字通衡之與瑱同用玉繫以統而垂之衡橫而瑱從與佩玉之衡相類故亦謂之衡以統貫衡與瑱垂於耳旁皆有充塞之象故衡瑱統三者並可以充耳塞耳言之後鄭此注卽據彼爲釋但天子諸侯冕服之衡以玉爲之若后首服則不必有此後鄭說不若先鄭釋衡爲笄之

瑁而可以證古冕纁之爲玉而非縣丸自漢以後失其形制因  
其字借作纁而士喪禮又有瑁用白纁之文遂推之生人之冕  
飾望文生訓卽爲黃縣爲丸之說魏晉以後冕服並沿其制郭  
書燕說干載勿悟誠足憐也云詩云玼兮玼兮其之翟也鬢髮  
如雲不用鬢也玉之瑱也是之謂也者鄘風君子偕老文玼當  
作瑳詳內司服疏毛傳云玼鮮盛貌翟禕禕翟闕翟羽飾衣也鬢  
黑髮也如雲言美長也屑絜也瑱塞耳也鄭箋云鬢髮也不絜  
者不用髮爲善賈疏云引之者證服翟衣首有玉瑱之義故云  
是之謂也其統之采色瑱之玉石之別者婦得服翟衣者統用  
五采瑱用玉白餘鞠衣以下統則三采瑱用石知義然者案著  
詩云充耳以素鄭彼注云謂從君子而出至於著君子揖之時

也我視君子則以素爲充耳謂所以懸瑱者或名爲統織之人君五色臣則三色而已此言素者目所先見而云下云尙之以瓊華許云美石彼下經文又云充耳以青充耳以黃據臣三色故云人君五色矣詩云玉之瑱據君夫人云用玉則臣之妻與夫同美石彼毛注以素爲象瑱鄭不從者若素是象瑱文何以更云瓊華瓊瑛之事乎故鄭以爲統也云笄卷髮者者喪服小記注義同說文竹部云笄簪也又先部云先首笄也俗作簪釋名釋首飾云笄係也所以係冠使不隊也公羊僖九年何注云笄者簪也所以繫持髮士冠禮賈疏云凡諸設笄有二種一是紒內安髮之笄一是皮弁爵弁及六冕固冠之笄案賈說分別甚析士喪禮云鬢笄纓中注云纓笄之中央以安髮此卽安髮

之笄亦卽繼笄也喪服傳云吉笄尺二寸又吉笄有首注云有首者若今時刻鏤摘頭矣王及后吉笄制亦當同賈士喪禮疏又云安髮之笄男子婦人俱有冠笄唯男子有而婦人無也金鷄云婦人有瑣者亦有笄安髮之笄非所以縣瑣也賈謂婦人止有安髮之笄非也案金說是也鄭意疑亦謂后夫人無縣瑣之笄故唯云卷髮不知尙當有持首服之衡笄詩鄰風副笄是也二者形制蓋同但纒笄短而副笄長耳詳前疏魏書劉芳傳載後魏王肅說謂古男子無笄則尤謬云外內命婦衣鞠衣襪衣者服緇衣祿衣者服次者祿釋文作絲誤屨人疏引鄭志說同玉藻疏引鄭志作展衣祿衣首服次疑誤記也賈疏云案持禮云女次純衣純衣則祿衣據士服爵弁親迎攝盛則士之妻

服祿衣首服次亦攝盛祿衣既首服次三翟首服副則鞠衣禮  
衣首服纁可知云外內命婦非王祭祀賓客佐后之禮自於其  
家則亦降焉者賈疏云知者大夫妻服緇衣首服纁士妻服祿  
衣首服次少牢特牲是大夫士妻特牲云主婦纁笄宵衣少牢  
云主婦髮鬢衣移袂但大夫妻移袂爲異又不服纁故知自於  
其家則降詒讓案內司服注云外命婦唯王祭祀賓客以禮佐  
王后得服此上服自於其家則降焉此首服亦與彼同但彼注  
止云外命婦此注外內並舉者內命婦雖無於其家祭祀賓客  
之事或以禮事至其家則亦宜降於佐后之服也內外命婦服  
升降其差次禮文不備張惠言參合鄭禮注及金榜之說又以  
意推之爲婦人服表謂內命婦三夫人從王祭先王先公掄狄

從后祭羣小祀調狄告桑鞠衣從后見賓客展衣以禮見王祿  
衣御於王宵衣九嬪從王后祭闕狄告桑鞠衣從后見賓客以  
禮見王御於王與三夫人同世婦從后祭告桑並鞠衣從后見  
賓客以禮見王御於王亦與三夫人同女御從后祭桑見賓客  
並展衣以禮見王御於王並與三夫人同外命婦三公夫人從  
后祭闕狄從后桑鞠衣從后賓客展衣祭其廟祔衣禮見君子  
宵衣王之孤公之孤之妻助君祭鞠衣從后夫人賓客展衣祭  
其廟祿衣禮見君子宵衣次國小國之卿之妻助君祭鞠衣從  
夫人賓客展衣從夫人小禮事祿衣祭其廟宵衣王之卿大夫  
公之卿大夫侯伯子男之大夫之妻助君祭從后夫人賓客並  
展衣從后夫人小禮事祿衣祭其廟宵衣王及侯國士之妻助

君祭從夫人賓客祿衣祭其廟宵衣張表所差如此雖無明證大較近之惟天子三公鶩冕夫人從后祭當揄狄自祭其廟當展衣又次國小國卿妻與大夫妻似不宜分爲二等天子士妻服亦不宜與侯國之士妻同張氏沿內司服注之誤偶未釐正耳互詳彼疏云少牢饋食禮曰主婦髮鬢衣移袂特性饋食禮曰主婦纒笄宵衣是也者少牢經髮鬢衣本作被錫衣鄭讀爲髮鬢此依破字引之鬢疑當爲鬣詳前移袂舊本移作侈非今據注疏本正少牢釋文作侈袂此與唐石經同鄭彼注云纒笄首服宵綺屬也此衣染之以黑其纒本名曰宵鄭意少牢諸侯卿大夫之祭禮主婦服次特性諸侯士之祭禮主婦服纒笄故引以證大夫士妻自祭降服之事今攷髮鬢衣當爲被錫衣與

男子立冠朝服相當纁笄宵衣又見士昏禮云姆纁笄宵衣注  
云宵讀爲詩素衣朱綰之綰姆亦立衣以綰爲領因以爲名與  
特牲注說小異而其以宵衣爲卽祿衣則一金栴云凡此祭於  
公大夫冕服其妻展衣士齋弁服其妻祿衣皆絲衣也特牲少  
牢自祭於廟主人朝服布衣也故主婦亦服緜衣特牲主婦宵  
衣昏禮注云以綰爲領則宵衣亦以布爲之可知案金說是也  
孔廣森林喬蔭張惠言說並略同蓋錫衣與司服錫衰同物宵  
衣亦卽錫衣而以綰爲領者與男子立端服相當鄭說並失之  
云昏禮女次純衣攝盛服耳主人爵弁以迎者士昏禮親迎云  
主人爵弁纁裳緇袖女次純衣纁袷純衣卽祿衣士上服爵弁  
服士妻上服次祿衣惟服以助祭於君今親迎得服之故云攝



盛服此引證非助祭而不降者為非常禮也孔廣森云昏禮主人爵弁女次純衣纁袗雜記子羔之襲也蘭衣裳與稅衣纁袗為一冒子以為婦服則稅衣纁袗者即純衣纁袗也案孔說是也稅袿通詳內司服疏云移袂袿衣之袂者鄭於少牢經既破被錫為髮髻則所云衣者不知何衣意大夫妻助祭服展衣自祭降一等當服袿衣故謂移袂者即袿衣也鄭彼注釋衣移袂云亦衣綳衣而侈其袂耳侈者蓋半士妻之袂以益之衣三尺三寸袿尺八寸彼注不云袿衣者鄭意綳衣即袿衣依鄭司服注義蓋謂大夫以上朝祭服並侈袂士朝服立端服則不侈袂以相比例則婦人服大夫妻袿衣以上並侈袂士妻袿衣則不侈袂與男服差次相應但婦服侈袂唯少牢一見而鄭謂大夫

以上服並侈袂說亦不甚瑣未可據以推定婦服也詳司服疏  
賈疏云此鄭要解少牢主婦衣移袂者是移祿衣之袂上既云  
移袂今又云移祿衣之袂不同者但士之妻服緇服祿衣助祭  
及嫁時不移其袂今大夫妻緇衣移而以祿衣袂者以大夫妻  
與士妻緇衣名同不得言移於緇衣之袂故取祿衣也黃以周  
云鄭注少牢云亦衣宵衣而侈其袂又注追師云侈袂祿衣之  
袂是鄭亦以宵衣爲祿衣也婦人祿衣配男子朝服案鄭賈意  
當如黃說故鄭士昏禮注以宵衣亦爲玄衣賈內司服疏謂少  
牢大夫妻侈緇衣袂少牢疏義同大意蓋謂少牢主婦所服亦  
卽緇衣但士妻緇衣袂無侈法今云移袂則是祿衣明祿衣宵  
衣本同惟以領袂爲異今攷宵衣實卽錫衣與祿衣自是一服

此注說非是少牢主人朝服主婦被錫衣侈袂特牲主人冠端  
玄爲玄端服主婦纓笄緇衣不侈袂蓋衣同而首服及領袂則  
降男女服差次正合若如此注以爲祿衣則與主人朝服不相  
當足知其非又案婦人服次祿衣以降爲被錫衣唯少牢禮一  
見更降爲纓笄宵衣士昏禮兩見特牲一見則皆不加被蓋笄  
卽爲首服也又士昏禮婿從者畢玄端女從者畢衫玄纓笄被  
纓補蓋亦卽錫衣之衣加被者與玄端服正相當以其不緇領  
故不云宵衣耳鄭注及賈彼疏亦謂卽祿衣則非也云凡諸侯  
夫人於其國衣服與王后同者賈疏云以其諸臣之妻有助后  
與夫人祭之事諸侯夫人無助后之事故自於其本國衣服得  
與王后同也所同者上公夫人得禕衣已下至祿衣禕衣從君

見大祖禴翟從君祭羣廟闕翟從君祭羣小祀鞠衣以告桑展  
衣以禮見君及賓客祿衣以接御侯伯夫人得禴翟已下禴翟  
從君見大祖及羣廟闕翟已下與上公夫人同子男夫人得闕  
翟已下闕翟從君見大祖及羣廟與羣小祀鞠衣以下與侯伯  
同並纁笄緇衣以燕居也二王之後與魯夫人亦同上公之禮  
故明堂位云季夏六月以禘禮祀周公於大廟夫人禕衣是也  
喪紀其笄經亦如之疏喪紀其笄經亦如之者喪紀通大小喪  
言之此所共者亦自王后以下通內外命婦皆共之也喪服經  
云妻爲夫妾爲君女子子在室爲父布總箭笄髻衰三年注云  
箭笄篠竹也又記云女子子適人者爲其父母婦爲其舅姑惡  
笄有首以髻卒哭子折笄首以笄布總傳云笄有首者惡笄之

有首也惡笄者櫛笄也折笄首者折吉笄之首也吉笄者象笄也注云櫛笄者以櫛之木爲笄或曰榛笄案檀弓說榛笄長尺蓋短於吉笄后之喪笄亦當有箭笄櫛笄但后吉笄用玉則折笄或不用象笄耳其內命婦九嬪以下外命婦卿大夫妻以下喪笄與喪服經記同凡經有首經要經男女制同詳司服疏

履人掌王及后之服履爲赤舄黑舄赤纒黃纒青句素履葛履履自明矣必連言服者著服各有履也複下曰舄禪下曰履古人言履以通於複今世言履以通於禪俗易語反與舄履有絢有纒有純者飾也鄭司農云赤纒黃纒以赤黃之絲爲下絲士喪禮曰夏葛履冬皮履皆纒纒純禮家說纒亦謂以采絲疎其下玄謂凡履舄各象其裳之色士冠禮曰玄端黑履青絢纒純

素積白屨緇絢總純緝弁種屨黑絢總純是也王吉服有九鳥  
有三等赤鳥爲上冕服之鳥詩云王賜韓侯玄衮赤鳥則諸侯  
與王同下有白鳥黑鳥王后吉服六唯祭服有鳥玄鳥爲上禕  
衣之鳥也下有青鳥赤鳥鞠衣以下皆屨耳句當爲絢聲之誤  
也絢總純者同色今云赤總黃總青絢雜互言之明鳥屨眾多  
反覆以見之凡鳥之飾如緝之次赤總者王黑鳥之飾黃總者  
王后玄鳥之飾青絢者王白鳥之飾言總必有絢純言絢亦有  
總純三者相將王及后之赤鳥皆黑飾后之青鳥白飾凡屨之  
飾如緝次也黃屨白飾白屨黑飾黑屨青飾絢謂之拘者鳥屨  
之頭以爲行戒總縫中緝純緣也天子諸侯吉事皆鳥其餘唯  
服冕衣翟著鳥耳士爵弁種屨黑絢總純尊祭服之屨飾從緝

也素屨者非純吉有凶去飾者言葛屨明有用皮時疏掌王及后之服屨者賈疏云但首服在上尊又是陽多變是以追師與弁師男子婦人首服各別官掌之屨鳥在下卑又是陰少變故男子婦人同官掌之也云爲赤鳥黑鳥赤纁黃纁青句素屨者此辨二鳥一屨色及采飾之別卽此官之官法也賈疏云謂掌而營造之故云爲也赤鳥者男子冕服婦人闕翟之鳥也黑鳥者天子諸侯玄端服之鳥赤纁已下云纁云句者欲言纁絢以表見其鳥赤纁者是天子諸侯黑鳥之飾黃纁者與婦人爲玄鳥之飾也青句者與王及諸侯爲白鳥之飾凡屨鳥皆有絢纁純三者相將各言其一者欲互見其屨鳥故多舉一邊而言也素屨者大祥時所服去飾也案鳥屨之差見於經者唯此服及

士冠士表二禮文皆不具此經雖有互文錯見之例然如鄭賈所說前後參差絕無義例殆不足據林喬蔭云王與后蓋皆二舄一赤舄一黑舄赤總以飾赤舄黃總以飾黑舄燕居則王及后皆不服舄而服屨是爲素屨案林說較長王昭禹亦謂赤舄赤總黑舄黃總卽林氏所本莊有可說同史浩釋赤總黃總亦從林說又謂青舄卽以飾素屨亦近是今依據禮經參以諸家之義竊謂此經赤舄黑舄王與后通得服之赤舄則赤絢總純黑舄則黃絢總純素屨則青絢總純蓋赤舄最尊故卽以赤爲飾不以他采間之亦謂之金舄以赤兼黃朱近於金色也小爾雅廣服云履尊者曰達屨謂之金舄而金絢也是卽金舄舄絢同色之塙證士冠三屨並總絢同色而此赤總黃總之下別出



青絢明青絢白與素屨為一屨素屨即士冠禮之白屨林木孔  
 廣森說謂非凶屨是也王之白屨青絢總純與士白屨縹絢總  
 純小異其必曰青絢素屨者別於凶屨無絢其不曰青總素屨  
 者嫌與上赤總黃總連文無別也要之此經二鳥一屨與士冠  
 禮三屨之色正同唯王及后仍當有總屨黑屨與士三屨同經  
 不著者以鳥尊屨卑舉赤鳥黑鳥足以咳總屨黑屨卿大夫及  
 王之命士得服冕服者亦得服赤鳥侯國之士服白爵弁以下  
 則惟服纁黑白三屨蓋服屨之內本無青黃二色經文教次白  
 明析也云葛屨者說文艸部云葛絺紵材也賈疏云白赤鳥以  
 下夏則用葛為之若冬則用皮為之在素屨下者欲見素屨亦  
 用葛與皮故也案詩禮諸經止有葛屨無葛鳥竊意鳥尊雖夏

亦當用皮葛褻止可用以爲屨不以爲舄也賈說恐未塙賈疏  
又云鄭志趙商問司服王后之六服之制目不解請圖之答曰  
大裘衮衣鷩衣毳衣絺衣玄衣此六服皆纁裳赤舄韋弁衣以  
韎皮弁衣以布此二弁皆素裳白舄冠弁服黑衣裳而黑舄冠  
弁玄端禕衣玄舄首服副從王見先王揄翟青舄首服副從王  
見先公闕翟赤舄首服副從王見羣小祀鞠衣黃履首服編以  
告桑之服澶衣白履首服編以禮見王之服祿衣黑履首服次  
以御於王之服后服六翟三等三舄玄青赤鞠衣以下三履黃  
白黑婦人質不殊裳履舄皆同裳色也案賈引鄭志所定王及  
后服舄履之差亦未塙詳後初學記履部引賈子云天子黑方  
履諸侯素方履大夫素圓履此說履制與禮經不合尤不足據

也 注云履白明矣必連言服者著服各有履也者明服別則  
履別也賈疏云履舄從裳色裳既多種故連言服也云複下曰  
舄釋下曰履者隋書禮儀志引禮圖同說文履部云履足所依  
也履履也釋名釋衣服云履禮也飾足所以為禮也亦曰履履  
拘也所以拘足也複其下曰舄舄腊也行禮人立地或泥溼故  
複其下使乾腊也賈疏云下謂底複重底重底者名曰舄禪底  
者名曰履也惠士奇云方言中有木者謂之複舄自關而東複  
履其陣者謂之鞞下禪者謂之鞞郭注云今章鞞也然則禪以  
皮而複加木矣隋志云近代或以重皮而不加木隋制復古以  
木重底舄冕服著之履則通用任大椿云釋名複其下曰舄複  
其末下使乾腊也古今注舄以木置履下乾腊不畏泥溼也蓋

舄以革爲底而以木爲重底置在屨下故釋名謂複其末下古  
今注亦云木置屨下也革柔故以革親足木堅可以禦泥溼故  
以木著地也云古人言屨以通於複今世言屨以通於禪俗易  
語反與者賈疏云首直云屨人不言舄及澀舄屨兩有是言屨  
通及舄漢時名複下者爲屨并通得下禪之屨故云俗易語反  
與詒譚案鄭謂周時本以複下曰舄禪下曰屨然此經服屨內  
兼有三舄是複下亦通名屨也毛詩豳風狼跋傳云赤舄人君  
之盛屨也又小雅車攻傳云金舄達屨也此並古義之以屨通  
舄者也至漢時俗語則無復舄名而以屨爲複下之正稱其禪  
下者蓋別稱鞮方言所云卽漢時語也禪下者雖亦或稱屨則  
以爲假借之通語不爲正名是與周時詁正相反也云舄屨有

絢有總有純者飾也者曷屨鼻飾謂之絢牙底相接縫中之飾  
 謂之總繞口之飾謂之純純見士冠禮及士喪禮此經有絢總  
 而無純者文不具鄭司農云赤總黃總以赤黃之絲為下絢者  
 謂織赤黃之絲為條緝以絢牙底相接之縫中云下絢者對繞  
 口之緣為上絢也先鄭說與後鄭同引士喪禮曰夏葛屨冬皮  
 屨皆總緝純者今儀禮冬皮屨作冬白屨又緝純作緝絢純陸  
 氏儀禮釋文亦無絢字蓋先鄭所見本異鄭彼注云冬皮屨變  
 言白者明夏時用葛亦白也士冠禮亦云屨夏用葛冬皮屨可  
 也賈疏云引士喪禮者證總為下絢云皆總緝純者葛屨皮屨  
 皆有總也緝純純用緝則總絢亦用緝色也云禮家說總亦謂  
 以采絲縹其下者漢時禮家說士冠義也縹蓋與縹同釋名釋

首飾云導所以導襟髮使入巾幘之裏也屨縹亦以采絲襟入  
屨牙底按縫中爲飾故云縹其下縹於屨牙底之間爲飾猶士  
虞禮爵口足之間爲象飾謂之縹也說文糸部云縹以絲介  
屨也疑卽此縹又屨部別有屨字訓屨下蓋卽屨下底之名徐  
鍇說文繫傳謂此注之縹卽屨字之假借誤云玄謂凡屨舄各  
象其裳之色者士冠禮注亦云屨者順裳色蓋凡禮之通例衣  
與冠同色帶與衣同色裳與襪同色屨與裳同色賈疏云屨舄  
與裳俱在下體其色同凌廷堪云亦有屨與裳不同色者玄端  
用黑屨而裳則有玄裳黃裳雜裳之異是也注蓋舉其多者言  
之耳引士冠禮曰玄端黑屨青紉縹純素積白屨緇紉縹純爵  
弁紉屨黑紉縹純是也者此士冠三加玄端皮弁留弁服之屨

也鄭彼注云玄端黑履以玄裳爲正也絢纁純三者皆青爵弁履以黑爲飾引此者證屨象裳色之義玄端皮弁爵弁服並詳司服疏云王吉服有九鳥有三等者賈疏云則司服六冕與韋弁皮弁冠弁是也鳥有三等謂經赤鳥黑鳥白鳥也云赤鳥爲上冠服之鳥者天子吉服以六冕爲上此經二鳥先赤後黑亦以赤鳥爲上凡冕服皆玄衣纁裳故同赤鳥也赤鳥亦謂之金鳥鄭詩小雅車攻箋云金鳥黃朱色也孔疏謂金鳥者卽禮之赤鳥是也云詩云王賜韓侯玄衮赤鳥則諸侯與王同者詩大雅韓奕文毛詩賜作錫俗本多依詩改作錫非又車攻云赤芾金鳥會同有釋毛傳亦云諸侯赤芾金鳥賈疏云玄衮者冕服皆玄上纁下而畫以衮龍赤鳥者象纁裳故也引之者證諸侯

得與王同有三等之舄赤舄爲上也案詩爾風狼跋亦說周公服赤舄但依鄭賈說則諸侯吉事無不服舄者今攷左傳及諸子述諸侯事涉屨者甚多疑諸侯弁服冠服亦止服屨也詳後云下有白舄黑舄者賈疏云白舄配韋弁皮弁黑舄配冠弁服案司服注韋弁以韎韋爲弁又以爲衣裳則韋弁其裳以韎之赤色韋爲之今以白舄配之其色不與裳同者鄭志及聘禮注韋弁服皆云以素爲裳以無正文鄭自兩解不定故得以白舄配之冠弁服則諸侯視朝之服是以燕禮記云燕朝服鄭云諸侯與其羣臣日視朝之服也謂冠立端緇帶素釋白屨也白屨卽與皮弁素積白屨同今以黑舄配之不與裳同色者朝服與立端大同小異皆立端緇布衣而裳有異耳若朝服則素裳白



屨若玄端之裳則玉藻云釋君朱大夫素士爵韋是韠從裳色則天子諸侯朱裳大夫素裳皆不與裳同色者但天子諸侯烏有三等玄端既不得與祭服同赤烏若與韋弁皮弁同白則黑烏無所施故從上士玄裳爲正而黑烏也大夫玄端素裳亦從玄裳黑屨矣案鄭賈說非也王及諸侯弁服冠服禮無服烏之正文又此經木無白烏而鄭以青絢爲白烏謂經舉飾以明烏其說本屬牽強韋弁服黻裳當以司服注爲正鄭志云素裳乃鄭未定之論不足據依賈又謂冠弁玄端服黑烏亦本鄭志說任大椿云冠弁卽朝服也天子諸侯朝服皆素裳烏從裳色燕禮記疏謂諸侯朝服當白烏則天子冠弁亦當白烏案任說是也宋縣初說同今依此經及士冠禮攷之王烏實止有赤黑二

種屨則當有纁黑素三種赤鳥以配五冕服之纁裳纁屨以配  
韋弁服之韪裳素屨以配皮弁冠弁服之素裳黑屨以配玄端  
服之玄裳惟黑鳥無所施今攷司服齊服玄端上通於天子書  
顧命載康王卽位之禮云王麻冕黼裳卿士邦君麻冕蟻裳蟻  
裳卽玄裳黼裳黑白相間爲變服黑鳥者殆卽玄冕玄裳黼裳  
之鳥也如是則於經文旣合而二鳥配冕服素屨配弁服於尊  
卑敘次尤絕無提躡較之以青句爲白鳥橫增經外之服名以  
黑鳥配冠弁復乖朝服之裳色不遠勝乎王齊服玄冕玄端亦  
詳司服疏云王后吉服六唯祭服有鳥者內司服注云禕衣揄  
狄鬲狄此三者皆祭服是也賈疏云以王鳥有三后鳥不得過  
王故知后鳥亦三等但冕服有六其裳同故以一鳥配之后翟

三等連衣裳而色各異故三翟三等之鳥配之云玄鳥爲上禕衣之鳥也下有青鳥赤鳥鞠衣以下皆屨耳者御覽引三禮大服圖云王后翟衣玄鳥榆狄青鳥闕狄赤鳥鞠衣黃屨並依鄭義賈疏云玄鳥配禕衣則青鳥配榆翟赤鳥配闕翟可知六服三翟旣以三鳥配之且下文命夫命婦唯言屨不言鳥故知鞠衣以下皆屨也又云上公夫人得服禕衣者亦得玄鳥也案鄭賈說亦未安玄鳥青鳥經文所無鄭以意增之以配禕衣榆狄誤亦與王服增白鳥同但后之鳥屨所配經無明文今以屨順裳色推之竊謂唯闕狄赤服赤鳥當如鄭說餘服則禕衣玄榆狄青玄青與黑色並相近當同服黑鳥鞠衣黃當服纁屨屨衣白當服素屨禕衣宵衣黑則當同服黑屨但禮經闕略無文可

證耳云句當爲絢聲之誤也者段玉裁云此依士冠禮作絢定爲聲之誤實則古假借字也案段說是也漢書王莽傳亦作句云絢總純者同色者賈疏云案士冠禮三冠絢總純各自同色故也云今云赤總黃總青絢雜互言之明烏屨眾多反覆以見之者賈疏云以其男子有三等屨烏婦人六等屨烏若具言其屨烏於文煩故雜互見之明其眾多也案鄭賈釋經以赤總爲黑烏之飾又以黃總見后有玄烏以青絢見王有白烏而赤烏當黑總則又無文故云雜互言之其說亦非也今據小爾雅推定赤總卽赤烏之飾則黃總亦卽黑烏之飾而青絢又當別爲素屨之飾無白烏玄烏經文敘次並不雜互鄭自誤釋耳云凡烏之飾如績之次者畫績之事雜五色東方謂之青南方謂之

赤西方謂之白北方謂之黑天謂之玄地謂之黃青與白相次也赤與黑相次也玄與黃相次也注云此言畫纁六色所象及布采之第次纁以爲衣此所謂纁次也賈疏云無正文此約皮弁白履黑絢纁純白黑北方爲纁次爵弁纁履黑絢纁純黑與纁南北相對尊祭服故對方爲纁次也以此而言則知凡鳥皆不與屨同而爲纁次可知詒讓案此亦鄭以意說之蓋不足據以金鳥絢同鳥色證之則無纁次之說可知云赤纁者王黑鳥之飾者賈疏云以其鳥飾從纁之次赤是南方火色與北方黑對方更無青屨取赤爲纁知是王黑鳥之飾也案鄭賈說亦非也今定赤纁卽赤鳥之飾赤纁則赤絢小爾雅所謂金絢是也云黃纁者王后玄鳥之飾者賈疏云以其天玄與地黃相對爲

績次故知是王后玄鳥之飾也案鄭賈說亦非也今定黃纁爲  
黑鳥之纁非績次也云青絢者王白鳥之飾也賈疏云亦以對  
方飾之亦得與祿衣黑屨爲飾但據鳥尊者而言王亦與諸侯  
白鳥爲飾也案鄭賈說亦非也今定青絢卽素屨之絢亦非對  
方色也云言纁必有絢純言絢亦有纁純三者相將者賈疏云  
以士冠禮三冠各有絢纁純故知三者相將但經互見故各偏  
舉其一耳案鄭賈說是也絢纁純同色故經不一一備詳但鄭  
謂舉纁絢以見鳥屨則非耳云王及后之赤鳥皆黑飾后之青  
鳥白飾者賈疏云以鳥皆對方以績次爲飾故知義然也案鄭  
賈說亦非也今定王赤鳥赤飾后無青鳥云凡屨之飾如繡次  
也者畫績之事云青與赤謂之文赤與白謂之章白與黑謂之

黼黑與青謂之黻五采備謂之繡注云此言刺繡采所用繡以爲裳所謂繡次也鄭以士冠禮黑履青絢總純白履緇絢總純與畫緇黼黻繡次正合故云如繡次此說亦非詳前云黃履白飾白履黑飾黑履青飾者賈疏云此據婦人之履鞠衣已下之履故有黃履黑履也以履從繡次爲飾故知義然也詒讓案黃履當云緇履白履卽素履也云絢謂之絢者釋文絢作救云戚如字劉音拘段玉裁從釋文作救云作拘者誤絢謂之救者爾雅釋器文司救注云救猶禁也禮防禁人之過者也儀禮注絢之言拘也鄭自爲說故云之言此引爾雅云謂之案段說是也云著鳥履之頭以爲行戒者賈疏云絢謂履頭以條爲鼻鄭注士冠亦云絢之言拘也以爲行戒狀如刀衣鼻在履頭言拘取

自拘持爲行戒者謂使抵目不妄顧視也詒讓案絢形制鄭士冠士喪禮注並云如刀衣鼻漢書王莽傳句履句卽絢之段字宋祁校木引韋昭云句履頭飾形如刀鼻與鄭說同顏注引孟康云今齊祀履鼻頭飾也出履二寸師古云其形岐頭顏說岐頭之形未知其審據孟康說出履二寸蓋屈絲條著履頭爲小紐如刀衣鼻可以穿繫故士喪禮製時乃履綦結于跗連絢賈彼疏謂以刀衣鼻況絢在履頭上以其皆有孔得穿繫於中而通曲禮孔疏引禮記隱義亦言古者履頭鼻綦繩相連結之是也又穀梁襄二十七年傳衛侯之弟專出奔晉織絢邯鄲楊士勳疏引康信云絢著履鼻之頭卽周禮絢總及純是也然則絢蓋染絲織成著之至內則履著綦注云綦履繫也屨繫著於踵



謂之綦與屨飾著於頭謂之絢異內則孔疏引皇氏云屨頭施  
 繫以爲行戒又引士冠禮青絢注說爲證則誤以綦絢爲一非  
 也晏子春秋諫下篇云景公爲屨黃金之綦飾以組連以珠貝  
 玉之絢其長尺綦絢並舉足證其非一物彼絢有玉又甚長蓋  
 非常制依法出屨二寸如刀衣鼻卽至長亦不得盈尺也又絢  
 廣度經注無文曲禮疏引士冠禮絢博寸解者云用緇一寸屈  
 之爲絢然士冠禮博寸專屬純則與絢廣無涉孔說亦誤云總  
 縫中緇者士冠禮注同賈疏云總是牙底相接之縫緇條於其  
 中註讓素廣雅釋器云編緒總紉條也說文糸部云紉圍采也  
 條屬結也淮南子說林訓云條可以爲總不必以紉高注云紉  
 亦總也雜記鞞紉以五采注云紉施諸縫中若今時條也故賈

以條釋緗內則疏云海關爲組以繩爲緗然則總者緗采絲爲  
緗緗以飾烏屨縫中與鞞以采緗綴縫略同鹽鐵論散不足篇  
說履云執裏緗下凡總以緗綴牙底之縫故謂之緗下矣又荀  
子富國篇云布衣緗屨之士楊注云緗條也謂編麻爲纆繩之  
屨也彼緗屨卽繩屨乃賤者所服與此屨總異云純緗也者士  
冠禮三屨並云純博寸彼注及司几筵注並同說文糸部云綠  
衣純也賈疏云謂以條爲口綠詒讓案禮服凡綠邊口並謂之  
純若衣之領袂筵席之邊並有純是也此純亦謂烏屨繞口之  
綠與綴縫之綠異漢書賈誼傳云爲之繡衣絲屨偏諸綠顏注  
引服虔云加牙條以作履綠也偏諸卽說文之扁緒廣雅之編  
緒又廣雅釋器說履云其綠謂之無緗無緗綠也則履綠亦以

采絲條爲之與總同云天子諸侯吉事皆舄者卽上云王吉服有九諸侯吉服各依爵命爲差鄭意天子諸侯冕弁冠諸服凡吉事並服舄也任大椿云天子諸侯自冕服外雖朝服立端皆用舄惟天子爵弁當用屨屨人注天子諸侯吉事皆舄爵弁爲天子哭諸侯及承天變之服非吉事也似不當舄諸侯未遇爵命服土服而來則服爵弁雖非凶事但既服土服似亦當從土屨案任推鄭義深得其旨若然諸侯爵弁用之吉事依鄭義仍得服舄矣燕禮記燕朝服於寢注謂諸侯與羣臣朝服白屨是諸侯吉事亦有著屨者賈彼疏則謂鄭據土冠禮成文其實諸侯當白舄其臣則白屨也依賈說則諸侯朝服立冠亦服舄也今攷天子諸侯弁服冠服無論吉凶似皆當服屨鄭賈謂皆服

烏恐非云其餘唯服冕衣翟著烏耳者此兼釋后夫人內外命婦服屨之差也依鄭典命司服內司服注義服冕謂王之三公服毳冕孤服絺冕卿大夫服玄冕者並得服赤烏士服爵弁則服纁屨不得服烏也衣翟謂后以下至三公夫人服三翟者並得服烏其九嬪世婦御妻及卿大夫之妻不得服翟者皆服屨也今攷天子士得服冕而不得服烏九嬪孤卿之妻並宜得服烏皆不如鄭所說詳後疏云士爵弁纁屨黑絢纁純尊祭服之屨飾從纁也者補釋士冠禮義依鄭前說烏飾從纁次屨飾從纁次士爵弁纁屨若從纁次則宜白飾今士冠禮黑絢纁純與纁次不合故鄭以爲因祭服特尊之得與烏同從纁次士冠禮注亦云爵弁尊其屨飾以纁次是也云素屨者非純吉有凶去

飾者者賈疏云下經注散屨與此素屨同是大祥時則大祥除  
衰杖後身服素編麻衣而著此素屨故云非純吉經素屨不云  
絢纒純故知去飾無絢纒純也孔廣森云素屨如素積之素非  
凶屨也陳奐云素者白也素屨白屨卽皮屨案孔陳說是也此  
卽禮經之白屨詳前云言葛屨明有用皮時者以先鄭引士喪  
禮云夏葛屨冬皮屨而此經止云葛屨不云皮屨明此職所掌  
自葛屨外諸屨皆以皮爲之故士喪禮直言冬白屨是凡屨  
爲之以色別者並皮爲可知詩魏風葛屨孔疏云凡屨冬皮夏  
葛則無用絲之時而少儀云國家靡弊君子不履絲屨者謂皮  
屨以絲爲飾也夏日之有葛屨猶絺綌所以當暑特爲便於時  
耳非行禮之服若行禮之服雖夏猶當用皮鄭於周禮注及志

言朝祭屨舄各從其裳之色明其不用葛也案孔謂禮屨皆用皮是也但依士喪禮注謂夏用葛屨亦白則無論皮舄並同裳色是葛屨亦爲禮屨若如孔說則冠喪大禮乃用不禮之屨其可通乎但葛屨止夏時服之餘三時則皆當皮屨賈士冠禮疏謂春宜從夏秋宜從冬非也凡皮屨以韋革爲之不存毛左昭十二年傳說楚靈王服豹舄杜注云以豹皮爲屨非禮服也辨外內命夫命婦之命屨功屨散屨命夫之命屨繻屨命婦之命屨黃屨以下功屨次命屨於孤卿大夫則白屨黑屨九嬪內子亦然世婦命婦以黑屨爲功屨女御士妻命屨而已士及士妻謂再命受服者散屨亦謂去飾

**疏**

辨外內命夫命婦之命屨功

屨散屨者賈疏云上明王及后等尊者舄屨訖此明臣妻及嬪

已下之履也言外內命夫案肆師職云禁外內命男女之衰不  
中法者鄭彼注外命男六鄉以出也內命男朝廷卿大夫士也  
其妻爲外命女彼外命男則此外命夫若然此外命夫其妻爲  
外命婦鄭雖不注亦與彼同也內命婦自是九嬪以下也案賈  
說是也互詳內宰肆師疏 注云命夫之命履纁履者賈疏云  
以其經不云舄唯云履大夫以上衣冠則有命舄無命履故知  
命履中唯有履而已士之命服爵弁則纁履故云命履纁履而  
已詒讓案鄭以命夫命履爲纁履專指士爵弁服言也然此命  
夫當通公孤卿大夫士言之經舉履以見舄互文以見義猶上  
文王后之服履亦不舉舄也依鄭賈說王之三公服纁冕孤服  
緇冕卿大夫服玄冕並得服舄今攷定王三公服爲冕孤卿服

義冕大夫屬緇冕又依禮器說王之命士亦得服冕與鄭注小異竊謂毛詩傳赤舄爲人君之盛屬則赤舄唯人君乃得服之天子三公孤卿或以外諸侯爲之或食大小都亦有人君之道自得服赤舄其大夫士爵秩較卑疑難得服冕而仍服緇屨與其妻服緇屨白屨亦適相稱也王三公以下之服詳大宗伯司服疏云命婦之命屬黃屨以下者內自九嬪至女御外自孤卿內子下及士之妻通稱命婦也賈疏云以其外命婦孤妻已下內命婦九嬪已下不得履舄皆自鞠衣以下故云黃屨以下言以下者兼有卿大夫妻及二十七世婦皆展衣白屨士妻與女御皆祿衣黑屨故云以下以展之素鄭賈說亦非也以差次攷之外內命婦王三公夫人當服揄狄九嬪及孤卿之妻並當服



國狄則皆得服赤舄世婦及大夫之妻當服鞠衣並當服纁履  
御妻及士之妻服展衣並當服白履無黃履也許前及內司服  
疏云功屨次命屨於孤卿大夫則白履黑履者功屨猶司裘之  
功裘亦人功微盛者也命屨人功最精功屨次於命屨故微盛  
次命屨謂降一等也賈疏云案司服孤希冕卿大夫玄冕皆以  
赤舄爲命舄以下仍有韋弁白履冠弁黑履故云次命屨命屨  
據婦人而言其實孤卿大夫身則功屨次命舄也云九嬪內子  
亦然者雜記云內子以鞠衣注云內子嬪之適妻也此注則專  
據孤之妻言之不含卿妻也賈疏云九嬪與孤妻內子旣以黃  
履爲命屨功屨之中有褻衣白履祿衣黑履故云亦然案九嬪  
及孤妻當以赤舄爲命舄鄭買說亦非云世婦命婦以黑履爲

功屨者此命婦專據陶大夫妻言之賈疏云以其皆以禮衣白屨爲命屨其功屨唯有祿衣黑屨也秦鄰妻當與孤妻同世婦及大夫之妻當以纁屨爲命屨白屨爲功屨鄭賈說亦非云女御士妻命屨而已者賈疏云以二者唯有祿衣黑屨爲命屨故云命屨而已案女御及士妻當以白屨爲命屨鄭賈說亦非云士及士妻謂再命受服者者此據大宗伯云再命受服明王之下士及妻皆不得受命屨也詳大宗伯及內司服疏云散屨亦謂去飾者賈疏云據臣言散卽上之素皆是無飾互換而言故云謂去飾者也案鄭賈意此散屨猶上素屨皆凶服又士冠禮云不屨總屨注云總屨喪屨也縷不灰治曰總亦其類也但此說亦非是今攷此功屨散屨猶巾車言良車散車蓋尋常燕居

之屨降於功屨者其人功尤盛凶屨去飾或亦在其內然必非專指凶屨也鄭巾車注以功沽沽良散其義最允凡此經言散者並取蠹沽猥雜亞次於上之義詳鹽人巾車疏凡四時之祭祀以宜服之祭祀而有素屨散屨者唯大祥時疏凡四時之祭祀以宜服之者此專據祭服身屨而言不關王后素屨外內命夫命婦散屨也 注云祭祀而有素屨散屨者唯大祥時者檀弓云有子蓋既祥而絰屨粗纓注云纓其早也禮既祥白屨無紉孔疏謂據戴德喪服變除禮文賈疏云鄭知此經四時祭祀含有素屨散屨者以此經四時祭祀總結上文諸屨故知有此二屨也云唯大祥時者此據外內命夫命婦爲王斬衰而言初死著菅屨卒哭與齊衰初死同疏屨既練與大功初死同繩屨

大祥與小功初死同吉履無絢總純是以上經注云非純吉故云唯大祥時也但上經據卑云散散與素一也案鄭賈詁並非經義又素履散履亦非凶履詳前疏

夏采掌大喪以冕服復于大祖以乘車建綏復于四郊求之王平生常所有事之處乘車玉路於大廟以冕服不出宮也匹郊以綏出國門此行道也鄭司農云復謂始死招魂復魄士喪禮曰土死于適室復者一人以爵弁服升自東榮中屋北面招以衣曰皋某復三降衣于前受用篋升自阼階以衣尸喪大記曰復男子稱名婦人稱字唯哭先復言死而哭哭而復奠其復反故檀弓曰復盡愛之道也望反諸幽求諸鬼神之道也北面求諸幽之義也檀弓又曰君復於小寢大寢小祖大祖庫門四郊

喪大記又曰復者朝服君以卷夫人以屈狄大夫以玄纁世婦以禮衣士以爵弁士妻以稅衣雜記曰諸侯行而死於館則其復如於其國如於道則升其乘車之左轂以其綬復大夫死於館則其復如於家死於道則升其乘車之左轂以其綬復喪大記又曰爲賓則公館復私館不復夏采天子之官故以冕服復于大祖以乘車葬綬復于四郊天子之禮也大祖始祖廟也故書綬爲禮杜子春云當爲綬禮非是也立謂明堂位曰凡四代之服器皆兼用之有虞氏之旂夏后氏之綬則旌旂有是綬者當作綬字之誤也綬以旄牛尾爲之綴於幢上所謂注旄於干首者王祀四郊乘玉路建大常今以之復去其旒異之於生亦曰先王有徒綬者士冠禮及玉藻冠綬之字故書亦多作綬者

今禮家定作裝疏掌大喪以冕服復于太祖者此與祭僕隸僕  
爲官職也賈疏云大喪謂王喪也謂初死屬纊絕氣之後卽以  
冕服自衮冕以下六冕及爵弁皮弁之等復謂招魂復者各依  
命數天子則十二人各服朝服而復於太祖之廟當升自東階  
北面履危西上云皋天子復如是者三乃卷衣投於前有司以  
篋受之升自阼階入衣於尸復而不蘇乃行死事也案六冕當  
作五冕依賈說則王喪當十二人復敘官止下士四人於數不  
足者蓋當使它官若祭僕隸僕小臣之屬同復也云以乘車建  
綬復于四郊者綬當從故書作櫛卽旌之段字謂以象路建大  
常而載全羽之旒至四郊祭祀兆域之處升車之左轂而復也

注云求之王平生常所有事之處者此夏采復於大廟及四

郊祭僕復於小廟隸僕復於小寢大寢此五者並王平生常所  
有事之處故博求之也云乘車玉路者賈疏云案巾車云玉路  
以祀祭天地於郊用玉路明於四郊復乘玉路可知案小宗伯  
云兆五帝於四郊平生在於四郊郊事神之處故復之也案此乘  
車實當爲象路卽司常之道車鄭賈以爲玉路則不得建綏非  
也詳後玉路詳巾車疏云於大廟以冕服不出宮也者冕服卽  
五冕之服也凡復用衣裳不用冠故士喪禮說士復云以爵弁  
服簪裳于衣左何之扱領于帶此王復用冕服亦用衣不用冕  
也玉府亦云大喪共復衣裳雜記云復諸侯以衰衣冕服爵弁  
服後鄭注云上公五侯伯四子男三案此天子冕服蓋亦自衰  
冕而下爲五其裘冕以祭昊天上帝非廟享所服則復於大祀

蓋亦不用大裘十二章之裘也大廟在應門內之左後鄭闢人  
及小宗伯注雖謂在中門外要不出皋門庫門故云不出宮也  
云四郊以綏出國門此行道也者四郊蓋謂近郊五十里在國  
門之外王生時非行不出國門故用行道之法建綬以復不用  
冕服也鄭司農云復謂始死招魂復魄者後鄭士喪禮注義同  
詳玉府疏引士喪禮曰士死于適室者鄭彼注云適室正寢之  
室也疾者齊故於正寢焉賈疏云適室則適寢也大夫士謂之  
寢天子諸侯謂之路寢也云復者一人者賈疏云命士不命之  
士皆一人若大夫以上皆依命數也云以爵弁服者士以爵弁  
爲上服猶王用冕服也云升自東榮者賈疏云升屋從東榮而  
上天子諸侯言東雷云中屋北面招以衣曰皋某復三者鄭彼



注云皋長聲也某死者之名也復反也云降衣于前受用篋升  
自阼階以衣尸者鄭彼注云降衣下之也受者受之於庭也復  
者其一人招則受衣亦一人也人君則司服受之衣尸者覆之  
若得魂反之引喪大記曰復男子稱名婦人稱姓者賈疏云男  
子稱名據大夫士禮記曲禮云天子崩復曰天子復矣諸侯復  
曰某甫復矣鄭注云不呼名臣不名君也諸侯呼字詒讓案喪  
服小記云復與書銘自天子達於士其辭一也男子稱名婦人  
稱姓與伯仲鄭注謂彼據殷禮質復臣得名君先鄭意或以小  
記爲周法則大記文容亦合天子禮與後鄭廉曲禮義不同也  
云唯哭先後言死而哭哭而復翼其復反者唯哭先後亦喪大  
記文以下先鄭釋大記義明始死卽有復是冀其復反而生也

云故檀弓曰復盡愛之道也望反諸幽求諸鬼神之道也北面  
求諸幽之義也者鄭彼注云鬼神處幽間望其從鬼神所來北  
面鄉其所從來也引之者廣證喪禮必有復之義云檀弓又曰  
君復於小寢大寢小祖大祖庫門門郊者鄭彼注云尊者求之  
備也亦他日所常有事引之者證天子有復大祖四郊之事其  
小祖卽祭僕復于小廟是也又案檀弓庫門據諸侯法賈士喪  
禮疏謂天子五門皆復則不徒庫門以內矣云喪大記又曰復  
者朝服君以卷夫人以屈狄大夫以玄纁世婦以禮衣士以爵  
弁士妻以稅衣者鄭彼注云朝服而復所以事君之衣也用朝  
服而復之者敬也復用死者之祭服以其求於神也君以卷謂  
上公也夫人以屈狄五言耳上公以裘則夫人用禕衣而侯伯

以驚其夫人用榆狄子男以義其夫人乃用屈狄矣禴赤也玄衣赤裳所謂卿大夫自玄冕而下之服也其世婦亦以禮衣案先鄭引此者證王復當用五冕服也其王后之喪復當用禕衣以下賈士喪禮疏謂婦人無外事王后以下復白門以內廟寢而已則后大人喪無四郊復也禮衣卽展衣稅衣卽祿衣詳內司服疏又案大記說復者朝服士喪記同賈前疏亦從之士喪禮疏謂天子復者當皮弁服則是服王視朝之服此與大記注不合未知罔否引雜記曰請戾行而死於館則其復如於其國如於道則升其乘車之左轂以其綬復者鄭彼注云館主國所致舍如於其國主國館賓子使有之得升屋招用袞衣也如於道道上廡宿也升車左轂豕升屋東榮云大夫死於館則其復

如於家死於道則升其乘車之左轂以其綬復者亦槩括雜記  
文彼文兼大夫士此不云士者文不具鄭彼注云大夫復於家  
以立冕引此二文者證乘車建綬之事先鄭蓋亦從杜子春說  
破故書綬爲綬後鄭則又破綬爲綬與先鄭異並詳後云喪大  
記又曰爲賓則公館復私館不復者鄭彼注云不於之復爲主  
人之惡雜記云公館者公宮與公所爲也私館者自卿大夫以  
下之家也引此者亦廣證復事云夏采天子之官故以冕服復  
于大祖以乘車建綬復于四郊天子之禮也者以天子備官故  
大祖四郊之復別以此官掌之其諸侯則無此官故喪大記云  
小臣復注云小臣君之近臣也又士喪禮注云復天子則夏采  
祭僕之屬諸侯則小臣爲之明此夏采復專爲天子之禮也又

案玉府大喪共復衣服先鄭注云衣裳生時服招魂復魄於大廟至四郊是先鄭意四郊復乘車建綏仍兼用冕服後鄭不從故此注不備引也後鄭彼注亦糾正先鄭義詳彼疏云大祖始祖廟也者大祖對舜僕小廟爲文以七廟之中始祖爲最尊故謂之大祖王制云天子七廟三昭三穆與大祖之廟而七注云大祖后稷是也周七廟以后稷爲始祖詳春官敘官及守祿疏賈疏云餘六廟此不云復案祭僕云大喪復于小廟注云小廟高祖以下是親廟四也其五寢則隸僕復故隸僕職云大喪復于小寢大寢注小寢高祖以下廟之寢也始祖曰大寢唯二祧無復文者案祭法親廟四與大祖皆月祭二祧享嘗乃止無月祭則不復也禮記檀弓云復于小祖大祖庫門四郊周禮不言

庫門者文不具云故書綏爲禮杜子春云當爲綏禮非是也者  
段玉裁云杜易禮爲綏先鄭從之故書作禮說文無此字釋文  
曰禮音維徐音遂據徐音疑本作禮或作禮說文从部禮卽禮  
字金榜云司常王建大常諸侯建旂孤卿建旛大夫士建物師  
都建旗州里建旗縣鄙建旒此七旗蓋無羽賓祭之所用也其  
白旒曰旒則以有羽爲異道車載旒旂車載旒是也旒旒皆張  
綵幅屬旒焉畫於綵如日月爲常已下夏采以乘車建禮復於  
四郊禮當爲旒說文旒亦作旒因訛而爲禮杜子春改綏鄭又  
讀從綏皆非司常道車謂象路復者求之平生常所有事之處  
故以道車朝夕燕出入者建旒以復鄭謂乘車玉路非也雜記  
諸侯死於道以其綏復又曰大夫士死於道以其綏復綏皆旒

之謂言其旌者明異物天子以大常諸侯以旂孤卿以旛大夫  
士以物鄭君謂去其旒異之於生失之矣王引之云經本謂建  
旛非爲建綬禮與旌同乘車建旌亦如生時之道車載旌也從  
衣作禮者假借字耳鄭當依故書作禮而讀爲旌不當沿子春  
之誤徑改爲綬也禮得借用禮字者禮禮俱音送故也禮爲禮  
之或體者古音遺與送同地官遺人劉昌宗音送小雅角弓篇  
莫肯下遺荀子非相篇遺作隨南山經旌山之尾其南有谷曰  
育遺遺或作隨白虎通義曰禮之爲言遺也是也故禮從送聲  
作禮或從遺聲作禮亦猶九旗之旌或作禮也禮爲旌之假借  
非譌字案段金王說是也云玄謂明堂位曰凡四代之服器魯  
兼用之者後鄭欲見綬爲有虞氏之旌故先引此文見魯有四

代旗章之事云有虞氏之旂夏后氏之綬者綬舊本作綬今據宋夔州本正阮元云此仍當爲綬下始云當作綬案阮校是也段玉裁黃丕烈校亦改作綬彼文云有虞氏之旂夏后氏之綬殷之大白周之大赤鄭彼注云四者旌旗之屬也綬當爲綬有虞氏當言綬夏后氏當言旂此蓋錯誤也綬謂注旄牛尾於杠首所謂大麾王制注說亦同鄭意綬爲有虞氏旗但注旄不張綬屬旒今案有虞氏之旂卽司常之交龍爲旂巾車之大旂夏后氏之綬卽司常之龜蛇爲旒巾車之大麾鄭互易其字又謂綬爲綬非也詳司常疏至釋名釋兵云綬有虞氏之旂也注旄竿首其形彙彙然也綬夏后氏之旂也其形衰衰也案劉亦從明堂位注義而仍以綬爲夏旗則又小異亦不足據也云則旂



旂有是綏者當作綏字之誤也者此後鄭據明堂位有綏明旂  
旂自有是名但其字實當爲綏也段玉裁云司農傳雜記謹杜  
說但綏綏二字古音同在支佳部歌戈麻部閒而義各有當綏  
者下垂之意故系於冠纓爲飾者謂之綏旌旂之旄亦謂之綏  
鄭君雜記注云綏當爲綏讀如綏賓之綏字之誤也綏謂旌旗  
之旄也去其旄而用之異於生也明堂位注云綏當爲綏讀如  
冠纓之綏綏謂注旄牛尾於杠首皆與夏采注正合汪文臺云  
綏本登車之索鄭引明堂位證是綏爲旌旗之綏當爲綏非車  
綏也案段注說是也說文糸部云綏車中把也綏系冠纓垂者  
旌旗之綏與冠綏同有垂義故鄭破綏從綏也云綏以旄牛尾  
爲之綏於杠上者後漢書馬融傳李注云撞旌旗之竿也謂以

旄牛尾爲綏繫綴於竿上也旄牛尾詳春官敘官及樂師疏云  
所謂注旄於干首者者毛詩邶風干旄傳云注旄於干首大夫  
之旄也爾雅釋天云注旄首曰旄郭注云載旄於竿頭如今之  
幢亦有旒干旄孔疏引李巡云旄牛尾著干首案後鄭此注及  
司常注並引注旄於干首蓋卽據毛詩傳與釋天文異賈疏謂  
出爾雅誤干卽竿之借字亦卽幢也注綴義亦同司常注引此  
以釋析羽爲旌敘官注亦謂染鳥羽象夏翟以爲綏則鄭謂綏  
注旄牛尾又兼注鳥羽故賈疏云案鍾氏染鳥羽以爲王后之  
車飾亦爲旌旗之綏則旌旗亦有鳥羽獨云旄牛尾舉一邊而  
言其實兼有也云王祀四郊乘玉路建大常者據巾車文言此  
者欲見大喪所建之綏卽大常而去其旒者也云今以之復去

其旒異之於生亦因先王有徒綬者者賈疏云生時有旗有綬有旒今死去旒是異先王有虞氏也徒空也有虞氏空綬未有在下旂旒故云徒綬也案賈所謂旂旒謂綬也巾車注說旂制云正幅爲綬旂則屬焉旒卽旂之俗凡九旗恆制皆有綬旂鄭意此綬則綬旂並無注止云去旒者文不具也鄭又以明堂位云有虞氏之綬卽是徒綬無旒此大喪復四郊所建以大常去旒存綬與生時所建大常不同而實因有虞氏有徒綬之制襲而用之也今依金氏說則此王喪四郊之復當用象路建大常而注全羽之旒與生時祀四郊所乘車異而旗同云土冠禮及玉藻冠綬之字故書亦多作綬者者此故書謂儀禮禮記舊本與注中凡言故書者異今土冠禮記字作綬彼注無作綬之文

玉藻注亦然皆文不具綬嘉靖本作綬段玉裁黃丕烈校並據注疏本作綬今從之段云明冠綬字誤則旗綬之字誤可知案段說是也然賈疏謂故書多作綬者謂作糸旁委也則賈所見本已誤綬矣云今禮家定作蕤者謂禮士冠玉藻二記冠綬之字漢時禮家說又定作蕤亦見玉藻注而士冠注則無文此雖與鄭從綬異然其不從綬則同故亦附存其說段玉裁云漢時說禮家定從蕤字蕤者艸木花垂兒其音亦在支佳部如玉藻緇布冠續綬注云綬或作蕤是其證也玉藻音義曰綬本又作蕤是唐時禮記尙有作蕤者也

周禮正義卷十六終